



Broj: A-291/26

Datum: 14.04.2026. godine

MM/ZŠR

Na osnovu člana 70. stav 1. i člana 72. stav 3. tačka c) Zakona o javnim nabavkama («Službeni glasnik BiH», broj 39/14, 59/22 i 50/24) u postupku javne nabavke računara i prateće računarske opreme za potrebe Kantonalnog tužilaštva Unsko-sanskog kantona, glavna kantonalna tužiteljica d o n o s i:

O D L U K U

o dodjeli ugovora drugorangiranom ponuđaču

Član 1.

Stavlja se van snage Odluka o izboru najpovoljnijeg ponuđača broj: A-291/26 od 01.04.2026. godine i ugovor za nabavku računara i prateće računarske opreme za potrebe Kantonalnog tužilaštva Unsko-sanskog kantona dodjeljuje se drugorangiranom ponuđaču INTER-COM d.o.o. Zenica, Vrandučka 71B, 72000 Zenica, ID broj: 4218087760006 kojeg zastupa i predstavlja direktor Safet Škaljić, sa ponudenom cijenom nakon provedene e-aukcije u ukupnoj vrijednosti od 19.700,00 KM bez PDV-a.

Član 2.

Nakon pravosnažnosti ove Odluke, prijedlog ugovora dostavit će se na potpis izabranom ponuđaču.

Član 3.

Obavezuje se izabrani ponuđač iz tačke I ove Odluke, da u roku od 5 (pet) dana od dana prijema ove Odluke dostavi dokaze tražene tačkom 3, podtačka 3.1. tenderske dokumentacije.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav 2. Zakona o javnim nabavkama i objavit će se na web stranici Kantonalnog tužilaštva Unsko-sanskog kantona.

O b r a z l o ž e n j e

Postupak javne nabavke računara i prateće računarske opreme za potrebe Kantonalnog tužilaštva Unsko-sanskog kantona pokrenut je Odlukom o pokretanju postupka javne nabavke broj: A-291/26 od 26.02.2026. godine.

Javna nabavka je provedena putem konkurentskog zahtjeva za dostavljanje ponuda. Predmet javne nabavke predviđen je Planom nabavki Kantonalnog tužilaštva Unsko-sanskog kantona za 2026. godinu broj: A-115/26 od 23.01.2026. godine i A-115-1/26 od 30.01.2026. godine, a) robe, redni broj: 7. – JRJN 30200000-1 – kompjuterska oprema i potrepštine, 30213000-5 – personalni kompjuteri, 30237240-3 – web kamere.

Procijenjena vrijednost javne nabavke je 25.000,00 KM bez PDV-a. Za predmetnu javnu nabavku osigurana su sredstva u Budžetu Unsko-sanskog kantona za 2026. godinu na ekonomskom kodu 821300.

Obavještenje o nabavci broj: 1092-7-1-20-3-14/26 dostavljeno je na objavu dana 05.03.2026. godine objavu u Službenom glasniku BiH, te je dana 10.03.2026. godine vršena izmjena tenderske dokumentacije i ispravka obavještenja broj: 1092-7-1-20-8-15/25 od 10.03.2026. godine koja je dostavljena na objavu u Službenom glasniku BiH istog dana.

Radi provođenja postupka javne nabavke imenovana je Komisija rješenjem glavne kantonalne tužiteljice broj: A-291/26 od 27.02.2026. godine. Ugovorni organ je proveo postupak prikupljanja ponuda, kao i ostale aktivnosti vezano za nabavku, a u skladu sa odredbama Zakona o javnim nabavkama.

Ugovorni organ je predvidio zaključenje Ugovora sa ponuđačem koji dostavi najnižu cijenu, a prema specifikaciji roba iz tenderske dokumentacije.

Rok za dostavljanje ponuda bio je 25.03.2026. godine u 08:30 sati. Nakon isteka roka za dostavljanje ponuda evidentirano je da je u roku pristiglo pet ponuda i to:

1. A –291/26. – PR Media Market Prijedor– lično – 12.03.2026 – 08:09h
2. A –291/26. - Emado d.o.o. Sarajevo – brzom poštom – 19.03.2026 – 11:05h
3. A –291/26. - Printex d.o.o. Sarajevo– brzom poštom – 23.03.2026 – 08:35h
4. A –291/26. - Bis Commerc d.o.o. Banja Luka – brzom poštom – 23.03.2026 – 10:27h
5. A –291/26. - Inter-com d.o.o. Zenica - brzom poštom - 24.03.2026. - 09:20h

Komisija za javnu nabavku je dana 25.03.2026. godine u 09:00 sati blagovremeno i pravilno izvršila javno otvaranje ponuda, a zatim i ocjenu pristiglih ponuda, te utvrdila da su ponude gore navedenih ponuđača potpune, formalno uredne i za ugovorni organ prihvatljive, nakon čega je zakazala e-aukciju za dan 30.03.2026. godine u 12:00 sati.

Predviđeno trajanje e-aukcije je bilo 10 minuta. Nakon završetka e-aukcije po izvještaju o toku i završetku e-aukcije od 26.03.2026. godine, utvrđeno je da tokom održavanja e-aukcije bilo promjene početnih cijena od strane četiri ponuđača, te je komisija na svojoj sjednici dana 31.03.2026. godine utvrdila konačnu rang listu ponuđača kako slijedi:

| R. br. | Naziv ponuđača | IDB/JIB | Konačna cijena u KM bez PDV-a | Umanjenje cijene | Rang |
|--------|-------------------------------|---------------|-------------------------------|------------------|------|
| 1. | PR "Media Market" Prijedor | 4507704190001 | 19.650,00 KM | 21,4% | 1 |
| 2. | Inter-com d.o.o. Zenica | 4218087760006 | 19.700,00 KM | 21,2% | 2 |
| 3. | Bis Commerc d.o.o. Banja Luka | 4401575810003 | 20.700,00 KM | 17,17% | 3 |
| 4. | Printex d.o.o. Sarajevo | 4200597450005 | 21.400,00 KM | 14,39% | 4 |
| 5. | Emado d.o.o. Sarajevo | 4201929330005 | 24.900,00 KM | 0% | 5 |

S obzirom na naprijed navedeno Komisija za javnu nabavku je dala preporuku da se ugovor za nabavku računara i prateće računarske opreme za potrebe Kantonalnog tužilaštva Unsko-sanskog kantona, shodno kriteriju najniža cijena, dodjeli ponuđaču PR "Media Market" Prijedor, jer je navedeni ponuđač ponudio najnižu cijenu za predmetnu robu u iznosu od 19.650,00 KM bez PDV-a.

Dana 02.04.2026. godine obavještenje o izboru najpovoljnijeg ponuđača je upućeno svim ponuđačima koji su učestvovali u postupku javne nabavke. Navedenim obavještenjem je pozvan izabrani ponuđač da dostavi dokumentaciju o ispunjavanju uslova iz člana 45. Zakona o javnim nabavkama u roku od 5 (pet) dana od dana prijema obavijesti.

Izabrani ponuđač PR MEDIA MARKET Prijedor je dana 09.04.2026. godine ugovornom organu dostavio Izjavu o odustajanju iz čijeg sadržaja proizlazi da nije u mogućnosti isporučiti robu koja je predmet nabavke, te je stoga prinuđen odbiti dodjelu ugovora u predmetnom postupku.

Iz prethodno navedenih razloga ugovorni organ u skladu sa članom 72. stav 3. tačka c) Zakona o javnim nabavkama, ugovor o nabavci računara i prateće računarske opreme dodijelio drugorangiranom ponuđaču INTER-COM d.o.o. Zenica sa konačnom cijenom ponudenom na e-aukciji u iznosu od 19.700,00 KM bez PDV-a.

Slijedom svega prethodno navedenog odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema ove odluke, a u skladu sa čl. 99. , 101. i 105. Zakona o javnim nabavkama.

GLAVNA KANTONALNA TUŽITELJICA
Mr.sci. Merima Mešanović



Dostaviti:

1. Ponuđačima
2. IKT službeniku radi objave na web stranici
3. a/a